

# American Idol

**Ceist 1** Beidh tú ag féachaint ar ball ar thuirisc faoin bhaint atá ag Éirinn leis an chlár *American Idol* na bliana.

An dtuigeann tú na focail/frásaí seo a bheidh sa tuairisc?

comórtas amhránaíochta		
babhta leathcheannais/ceannais		
tá údar maith againn		mór le rá
clú agus cáil domhanda		lucht féachana
tacaíocht	na meáin	

**Ceist 2** Sula bhféachann tú ar an tuairisc pléigh na ceisteanna seo leis an duine in aice leat nó le do ghrúpa:

Cén cineál cláir é *American Idol*?

An bhfuil clár cosúil leis ar an taobh seo den Atlantach? Cad é?

An bhfuil aon ní ar eolas agat faoin bheirt seo: Siobhán Magnus nó Keith Semple?

**Ceist 3** Ceangail na habairtí sa cholún ar chlé leis na huimhreacha cuí sa cholún ar dheis sa bhosca seo:

1. Aois Shiobhán Magnus.	a. 14
2. An méid daoine a bhíonn ag féachaint ar an chlár.	b. 19
3. An méid daoine a chuireann isteach ar an chomórtas.	c. na mílte duine
4. An méid daoine atá ag iarraidh áit a bhaint amach sa bhabhta ceannais.	d. 2
5. Na moltóirí a luadh sa mhír.	e. 30 milliún

**Ceist 4** 'naoi mbliana déag d'aois'

Is ainmfhocal mírialta é 'bliain' a úsáidtear go minic. Cuir Gaeilge ar na frásaí seo thíos:

21 years old

6 years old

15 years old

Last year

1<sup>st</sup> year

2<sup>nd</sup> year

The years

**Ceist 5** 'San oíche amárach'

1. Cad is brí leis an fhocal **san**?
2. Cathain a úsáidtear **sa**?
3. Cathain a úsáidtear **san**?
4. Cad is brí le **i**?
5. Cathain a úsáidtear **i**?
6. Cathain a úsáidtear **in**?

**Ceist 6**

Cad a cheapann tú faoin chineál cláir seo?

An síleann tú gur caitheadh go holc le Susan Boyle?

Ar mhaith leat féin a bheith páirteach i gcomórtas mar seo? Cén fáth?

## Treoracha agus Freagraí

### Ceist 1

comórtas amhránaíochta – *singing competition*  
babhta leathcheannais/ceannais – *semi-finals / finals*  
tá údar maith againn – *we have a good reason*  
mór le rá – *prominent*  
cáil domhanda - *world fame*  
lucht féachana – *audience*  
tacaíocht – *support*  
na meáin – *the media*  
riachtanach – *necessary*

### Ceist 2

Tá an plé seo le déanamh sula seinntear an tuairisc.

### Ceist 3

1. b
2. e
3. c
4. a
5. d

### Ceist 4

21 years old – aon bhliain déag d'aois.  
6 years old – sé bliana déag d'aois.  
15 years old – cúig bliana déag d'aois.  
Last year – an bhliain seo caite, anuraidh.  
1<sup>st</sup> year – an chéad bhliain.  
2<sup>nd</sup> year – an dara bliain.  
The years – na blianta.

### Ceist 5

1. Cad is brí leis an fhocal **san**?

Ciallaíonn sé 'in the'.

2. Cathain a úsáidtear **sa**?

Nuair a bhíonn an t-alt leis an ainmfhocal, mar shampla:

an bhliain – sa bhliain, an teach – sa teach, an mála – sa mhála.

3. Cathain a úsáidtear **san**?

Nuair a thosaíonn an t-ainmfhocal a leanann é le guta, mar shampla:

an t-uisce – san uisce, an áit – san áit, an t-urlár – san urlár.

4. Cad is brí le **i**?

Ciallaíonn sé 'in a'.

5. Cathain a úsáidtear **i**?

Nuair nach mbíonn an t-alt leis an ainmfhocal, mar shampla:

teach – i dteach, Corcaigh – i gCorcaigh, bosca – i mbosca.

6. Cathain a úsáidtear **in**?

Nuair a thosaíonn an t-ainmfhocal a leanann é le guta, mar shampla:

árasán – in árasán, uisce – in uisce, amhras – in amhras.

### Ceist 6

Is féidir gach beirt nó grúpa a chur ag déanamh an phlé seo agus ansin cuid de na ceistanna a phlé leis an rang iomlán.

### **Éimear Ní Chonaola**

San oíche amárach sa gcomórtas amhránaíochta is mó ar domhan *American Idol*, tabharfaidh bean óg a bhfuil ceangal aici le contae na Gaillimhe aghaidh ar na moltóirí agus ar an lucht féachana sna babhtáí leathcheannais. Beidh Siobhán Magnus, nach bhfuil ach naoi mbliana déag d'aois, i measc ceithre dhuine dhéag atá ag iarraidh áit a bhaint amach sa mbabhta ceannais de *American Idol*. Seo í Áine Lally.

### **Áine Lally**

Tuairim is tríocha milliún duine a bhíonn ag faire ar an gclár *American Idol* chuile sheachtain sna Stáit Aontaithe. Agus anois tá údar maith againne breathnú ar an gclár. Tá *American Idol* ar cheann de na cláir<sup>1</sup> is mó ar domhan agus bíonn aird na cruinne orthu siúd a théann chomh fada leis na babhtáí leathcheannais agus go háirithe na babhtáí ceannais. Chuile bhliain cuireann na mílte agus na mílte isteach ar an gcomórtas mór le rá agus baineann an té a bhuann é clú agus cáil domhanda amach dó féin.

San oíche amárach ar stáisiún Fox beidh bean óg a chreidtear a bhfuil ceangal aici le contae na Gaillimhe san iomaíocht. Beidh Siobhán Magnus a bhfuil cónaí uirthi i Cape Cod i Massachusetts ar an stáitse, agus beidh uirthi leithéidí Simon Cowell, Randy Jackson, chomh maith leis an lucht féachana a shásamh. Níl Siobhán Magnus ach naoi mbliana déag d'aois agus tá súil go bhfeicfidh muid sa mbabhta ceannais í go gairid.

Agus bhí ceangal láidir Éireannach eile le *American Idol* na bliana seo. D'éirigh leis an amhránaí Keith Semple as Latharna i dTuaisceart Éireann tacaíocht na moltóirí a fháil chun cáiliú do na babhtáí deireanacha de *American Idol*. D'éirigh leis aird na meán a tharraingt air féin chomh maith. Ach, cé go bhfuil víosa oibre aige, a deir sé, ardaíodh ceist faoina stádas buan i Meiriceá, rud atá riachtanach le hiarratas a dhéanamh ar an gcomórtas amhránaíochta. Mura mbeidh sé sin socraithe in am cuirfear cosc air a bheith páirteach a thuilleadh.

Áine Lally, Nuacht TG4.

---

<sup>1</sup> cláracha a deirtear